

春秋經傳比事

春秋經傳比事卷十二

閭 林春溥 鑑塘

襄公二

十有二年

庚子

春王三月

公羊作正月

莒人伐我東鄙圍台

穀梁作郕

下同

○傳曰伐國不言圍邑舉重也取邑不言圍安足書也

季孫宿帥師救台遂入鄆

穀梁曰遂繼事也受命而救郕不受命而入鄆惡季孫宿也

十二年春莒人伐我東鄙圍台季武子救台遂入鄆取

其鐘以為公盤

夏晉侯使士魴來聘

公羊作士彭

夏晉士魴來聘且拜師

秋九月吳子乘卒

秋吳子壽夢卒

吳世家曰壽夢有子四人長曰諸樊次曰餘祭次日餘昧次日季札札賢壽夢

欲立之札讓不
可乃立諸樊

臨於周廟禮也凡諸侯之喪異姓臨於

外同姓於宗廟同宗於祖廟同族於禰廟是故魯爲諸
姬臨於周廟爲邢凡蔣茅胙祭臨於周公之廟

冬楚公子貞帥師侵宋

冬楚子囊秦庶長無地伐宋師于楊梁以報晉之取鄭
也

○靈王求后于齊齊侯問對於晏桓子桓子對曰先王之
禮辭有之天子求后於諸侯諸侯對曰夫婦所生若而
人妾婦之子若而人無文而有姊妹及姑姊妹則曰先
守某公之遺女若而人齊侯許昏王使陰里結之

公如晉

公如晉朝且拜土魴之辱禮也

○秦嬴歸于楚楚司馬子庚聘于秦為夫人寧禮也

十有三年辛丑○吳諸樊元年春公至自晉

春秋左傳卷十二

十三年春公至自晉孟獻子書勞于廟禮也

夏取邾

公羊作詩○傳曰詩者何邾婁之邑也曷為弗繫乎邾婁諱亟也

夏邾亂分為三師救邾遂取之凡書取言易也用大師

焉曰滅弗地曰入

○荀罃士魴卒晉侯蒐于繇上以治兵使士匄將中軍辭

曰伯游

荀偃

長昔臣習于知伯是以佐之非能賢也請從

伯游荀偃將中軍士匄佐之使韓起將上軍辭以趙武

又使欒黶辭曰臣不如韓起韓起願上趙武君其聽之

使趙武將上軍韓起佐之欒黶將下軍魏絳佐之新軍

無帥晉侯難其人使其什吏率其卒乘官屬以從於下

軍禮也晉國之民是以大和諸侯遂睦君子曰讓禮之主也范宣子讓其下皆讓樂驥爲汰弗敢違也晉國以平數世賴之刑善也夫一人刑善百姓休和可不務乎書曰一人有慶兆民賴之其寧惟永其是之謂乎周之興也其詩曰儀刑文王萬邦作孚言刑善也及其衰也其詩曰大夫不均我從事獨賢言不讓也世之治也君子尙能而讓其下小人農力以事其上是以上下有禮而讒慝黜遠由不爭也謂之懿德及其亂也君子稱其功以加小人小人伐其技以馮君子是以上下無禮亂虐並生由爭善也謂之昏德國家之敝恆必由之

秋九月庚辰楚子審卒

楚子疾告大夫曰不穀不德少主社稷生十年而喪先

召未及習師保之教訓而應受多福是以不德而亡師于鄆以辱社稷爲大夫憂其弘多矣若以大夫之靈獲保首領以沒於地唯是春秋電變之事所以從先君於禰廟者請爲靈若厲大夫擇焉莫對及五命乃許秋楚共王卒子囊謀諡大夫曰君有命矣子囊曰君命以共若之何毀之赫赫楚國而君臨之撫有蠻夷奄征南海以屬諸夏而知其過可不謂其乎請諡之共大夫從之○吳侵楚養由基奔命子庚以師繼之養叔曰吳乘我喪謂我不能師也必易我而不戒子爲三覆以待我我請誘之子庚從之戰于庸浦大敗吳師獲公子黨君子以吳爲不弔詩曰不弔昊天亂靡有定

冬城防

冬城防書事時也於是將早城臧武仲請俟畢農事禮也

○鄭良霄大宰石臬猶在楚石臬言於子囊曰先王卜征五年而歲習其祥祥習則行不習則增脩德而改卜今楚實不競行人何罪止鄭一卿以除其偏使睦而疾楚以固於晉焉用之使歸而廢其使怨其君以疾其大夫而相牽引也不猶愈乎楚人歸之

十有四年

王寅○楚康王昭元年

春王正月季孫宿叔老會晉士句

齊人宋人衛人鄭公孫釐

公羊作釐下同

曹人莒人邾人滕人薛

人杞人小邾人會吳于向

十四年春吳告敗于晉會于向爲吳謀楚故也范宣子數吳之不德也以退吳人執莒公子務婁以其通楚使

也將執戎子駒支范宣子親數諸朝曰來姜戎氏昔秦人迫逐乃祖吾離于瓜州乃祖吾離被苫蓋蒙荆棘以來歸我先君我先君惠公有不腆之田與女剖分而食之今諸侯之事我寡君不如昔者蓋言語漏洩則職女之由詰朝之事爾無與焉與將執女對曰昔秦人負恃其衆貪于土地逐我諸戎惠公蠲其大德謂我諸戎是四嶽之裔胄也母是翦棄賜我南鄙之田狐狸所居豺狼所嗥我諸戎翦除其荆棘驅其狐狸豺狼以爲先君不侵不叛之臣至于今不貳昔文公與秦伐鄭秦人竊與鄭盟而舍戍焉於是乎有殽之師晉禦其上戎亢其下秦師不復我諸戎實然譬如捕鹿晉人角之諸戎掎之與晉蹠之戎何以不免自是以來晉之百役與我諸

戎相繼于時以從執政猶毅志也豈敢離邊今官之師
旅無乃實有所闕以攜諸侯而罪我諸戎我諸戎飲食
衣服不與華同贊幣不通言語不達何惡之能爲不與
於會亦無費焉賦青蠅而退宣子辭焉使卽事於會成
愷悌也於是子叔齊子叔爲季武子介以會自是晉人
輕魯幣而益敬其使

○吳子諸樊旣除喪將立季札季札辭曰曹宣公之卒也
諸侯與曹人不義曹君將立子臧子臧去之遂弗爲也
以成曹君君子曰能守節君義嗣也誰敢奸君有國非
吾節也札雖不才願附於子臧以無失節固立之棄其
室而耕乃舍之

二月乙未朔日有食之

夏四月叔孫豹會晉荀偃齊人宋人衛北宮括鄭公孫夢
曹人莒人邾人滕人薛人杞人小邾人伐秦

夏諸侯之大夫從晉侯伐秦以報櫟之役也晉侯待于
竟使六卿帥諸侯之師以進及涇不濟叔向見叔孫穆
子穆子賦匏有苦葉叔向退而具舟魯人莒人先濟鄭
子蟠見衛北宮懿子曰與人而不固取惡莫甚焉若社
稷何懿子說二子見諸侯之師而勸之濟濟涇而次秦
人壽涇上流師人多死鄭司馬子蟠帥鄭師以進師皆
從之至于櫟林不獲成焉荀偃令曰雞鳴而駕塞井夷
竈唯余馬首是瞻欒黶曰晉國之命未是有也余馬首
欲東乃歸下軍從之左史謂魏莊子魏絳曰不待中行伯
乎莊子曰夫子命從帥欒伯吾帥也吾將從之從帥所

以待夫子也伯游曰吾令實過悔之何及多遣秦禽乃
命大還晉人謂之遷延之役欒鍼曰此役也報櫟之敗
也役又無功晉之恥也吾有二位於戎路敢不恥乎與
士鞅馳秦師死焉士鞅反欒厲謂士句曰余弟謂不欲
往而子謂士召之余弟死而子來是而子殺余之弟也
弗逐余亦將殺之士鞅奔秦於是齊崔杼宋華閱仲江
會伐秦不書情也向之會亦如之衛北宮括不書於向
書於伐秦攝也秦伯問於士鞅曰晉大夫其誰先亡對
曰其欒氏乎秦伯曰以其汰乎對曰然欒厲汰虐已甚
猶可以免其在盈乎秦伯曰何故對曰武子之德在民
如周人之思召公焉愛其甘棠況其子乎欒厲死盈之
善未能及人武子所施沒矣而厲之怨實章將於是乎

在秦伯以爲知言爲之請於晉而復之

己未衛侯

公羊有衍字

出奔齊

衛獻公戒孫文子甯惠子食皆服而朝日旰不召而射
鴻於囿二子從之不釋皮冠而與之言二子怒孫文子
如戚孫蒯文子入使公飲之酒使大師歌巧言之卒章
大師辭師曹請爲之初公有嬖妾使師曹誨之琴師曹
鞭之公怒鞭師曹三百故師曹欲歌之以怒孫子以報
公公使歌之遂誦之蒯懼告文子文子曰君忌我矣弗
先必死并帑於戚而入見蘧伯玉曰君之暴虐子所知
也大懼社稷之頃覆將若之何對曰君制其國臣敢奸
之雖奸之庸知愈乎遂行從近關出公使子蟜子伯子
皮與孫子盟于丘宮孫子皆殺之四月己未子展奔齊

公如鄆使子行於孫子孫子又殺之公出奔齊孫氏追之敗公徒于阿澤鄆人執之初尹公佗學射於庾公差庾公差學射於公孫丁二子追公公孫丁御公子魚差曰射爲背師不射爲戮射爲禮乎射兩鞬而還尹公佗曰子爲師我則遠矣乃反之公孫丁授公轡而射之貫臂子鮮從公及竟公使祝宗告亡且告無罪定姜曰無神何告若有不可誣也有罪若何告無舍大臣而與小臣謀一罪也先君有家卿以爲師保而戮之二罪也余以巾櫛事先君而暴妾使余三罪也告亡而已無告無罪公使厚成叔弔于衛曰寡君使瘠聞君不撫社稷而越在他竟若之何不弔以同盟之故使瘠敢私於執事曰有君不弔有臣不敏君不赦宥臣亦不帥職增淫發

洩其若之何衛人使大叔儀對曰羣臣不佞得罪於寡君寡君不以卽刑而悼棄之以爲君憂君不忘先君之好辱用羣臣又重恤之敢拜君命之辱重拜大貺厚孫歸復命語臧武仲曰衛君其必歸乎有大叔儀以守有母弟鮒以出或撫其內或營其外能無歸乎齊人以邾寄衛侯及其復也以邾糧歸右宰穀從而逃歸衛人將殺之辭曰余不說初矣余狐裘而羔袖乃赦之衛人立公孫剽孫林父甯殖相之以聽命於諸侯衛侯在邾臧紇如齊唁衛侯衛侯與之言虐退而告其人曰衛侯其不得入矣其言糞土也亡而不變何以復國子展子鮮聞之見臧紇與之言道臧孫說謂其人曰衛君必入夫二子者或輓之或推之欲無入得乎

○師歸自伐秦晉侯舍新軍禮也成國不過半天子之軍周爲六軍諸侯之大者三軍可也於是知朔生盈而死盈生六年而武子卒薨襄亦幼皆未可立也新軍無帥故舍之○師曠侍於晉侯晉侯曰衛人出其君不亦甚乎對曰或者其君實甚良君將賞善而刑淫養民如子蓋之如天容之如地民奉其君愛之如父母仰之如日月敬之如神明畏之如雷霆其可出乎夫君神之主而民之望也若困民之主匱神乏祀百姓絕望社稷無主將安用之弗去何爲天生民而立之君使司牧之勿使失性有君而爲之貳使師保之勿使過度是故天子有公諸侯有卿卿置側室大夫有貳宗士有朋友庶人工商阜隸牧圉皆有親暱以相輔佐也善則賞之過則匡

之患則救之失則革之自王以下各有父子兄弟以補察其政史爲書瞽爲詩工誦箴諫大夫規誨士傳言庶人謗商旅于市百工獻藝故夏書曰遘人以木鐸徇于路官師相規工執藝事以諫正月孟春於是乎有之諫失常也天之愛民甚矣豈其使一人肆於民上以從其淫而棄天地之性必不然矣

莒人侵我東鄙

秋楚公子貞帥師伐吳

秋楚子爲庸浦之役故子囊帥于棠以伐吳吳不出而還子囊殿以吳爲不能而弗徹吳人自皐舟之隘要而擊之楚人不能相救吳人敗之獲楚公子宜穀

○王使劉定公賜齊侯命曰昔伯舅大公右我先王股肱

周室師保萬民世胙大師以表東海王室之不壞繫伯
舅是賴今余命女環茲率舅氏之典纂乃祖考無忝乃
舊敬之哉無廢朕命

冬季孫宿會晉士句宋華閱衛孫林父鄭公孫蠆莒人邾
人于戚

晉侯問衛故於中行獻子對曰不如因而定之衛有君
矣伐之未可以得志而勤諸侯史佚有言曰因重而撫
之仲虺有言曰亡者侮之亂者取之推亡固存國之道
也君其定衛以待時乎冬會于戚謀定衛也范宣子假
羽毛於齊而弗歸齊人始貳

○楚子囊還自伐吳卒將死遺言謂子庚必城郢君子謂
子囊忠君薨不忘增其名將死不忘衛社稷可不謂忠

乎忠民之望也詩曰行歸于周萬民所望忠也

附錄

史記年表楚共王太子出奔吳

上有五年

公劉九年

春宋公使向戌來聘二月己亥及

向戌盟于劉

十五年春宋向戌來聘且尋盟見孟獻子尤其室曰子有令聞而美其室非所望也對曰我在晉吾兄爲之毀之重勞且不取聞

劉夏逆王后于齊

公羊曰劉夏者何天子之大夫也劉者何邑也以邑氏也外逆女不書此何以

我也

官師劉從單靖公逆王后于齊卿不行非禮也

○楚公子午爲令尹公子罷戎爲右尹蔣子馮爲大司馬公子囊師爲右司馬公子成爲左司馬屈到爲莫敖公

子追舒爲箴尹屈蕩爲連尹養由基爲宮廄尹以靖國
人君子謂楚於是乎能官人官人國之急也能官人則
民無覲心詩云嗟我懷人寘彼周行能官人也王及公
侯伯子男甸采衛大夫各居其列所謂周行也○鄭尉
氏司氏之亂其餘盜在宋鄭人以子西伯有子產之故
納賂于宋以馬四十乘與師蒍蕢三月公孫黑爲質
焉司城子罕以堵女父尉翩司齊與之良司臣而逸之
託諸季武子武子置諸卞鄭人臨之三人也師蒍過宋
朝將私焉其相曰朝也蕢曰無人焉相曰朝也何故無
人蕢曰必無人焉若猶有人豈其以千乘之相易淫樂
之矇必無人焉故也子罕聞之固請而歸之

夏齊侯伐我北鄙圍成公救成至遇

公羊曰其言至遇何不敢進也季孫

宿叔孫豹帥師城成郛

夏齊侯圍成貳於晉故也於是乎城成郛

秋八月丁巳日有食之

邾人伐我南鄙

冬十有一月癸亥晉侯周卒

秋邾人伐我南鄙使告于晉晉將爲會以討邾莒晉侯有疾乃止冬晉悼公卒遂不克會鄭公孫夏如晉奔喪子蟜送葬

○宋人或得玉獻諸子罕子罕弗受獻玉者曰以示玉人玉人以爲寶也故敢獻之子罕曰我以不貪爲寶爾以玉爲寶若以與我皆喪寶也不若人有其寶稽首而告曰小人懷璧不可以越鄉納此以請死也子罕置諸其

里使玉人爲之攻之富而後使復其所○十二月鄭人

奪堵狗之妻而歸諸范氏

十有六年甲辰○晉平公彪元年春王正月葬晉悼公

三月公會晉侯宋公衛侯鄭伯曹伯莒子邾子薛伯杞伯

小邾子于溴梁戊寅大夫盟公羊曰諸侯皆在是其言大

信在大夫徧刺天下之大夫也曷爲徧刺天下之大夫也君若贅旒然穀梁曰諸侯會而曰大夫盟正在大夫也

諸侯在而不曰諸侯之大夫大夫不臣也

十六年春葬晉悼公平公卽位羊舌肸爲傅張君臣爲

中軍司馬祁奚韓襄欒盈士鞅爲公族大夫虞丘書爲

乘馬御改服修官烝于曲沃警守而下會于溴梁命歸

侵田晉侯與諸侯宴于溫使諸大夫舞曰歌詩必類齊

高厚之詩不類苟偃怒且曰諸侯有異志矣使諸大夫

盟高厚高厚逃歸於是叔孫豹晉荀偃宋向戌衛甯殖
鄭公孫蚖小邾之大夫盟曰同討不庭

晉人執莒子邾子以歸

以我故執邾宣公莒犁比公且曰通齊楚之使

傳在命歸使田

以

齊侯伐我北鄙

夏公至自會

五月甲子地震

叔老會鄭伯晉荀偃衛甯殖宋人伐許

許男請遷于晉諸侯遂遷許許大夫不可晉人歸諸侯

鄭子蠆聞將伐許遂相鄭伯以從諸侯之師穆叔從公

齊子帥師會晉荀偃書曰會鄭伯爲夷故也夏六月次

于械林庚寅伐許次于函氏晉荀偃欒黶帥師伐楚以報宋楊梁之役楚公子格帥師及晉師戰于湛阪楚師敗績晉師遂侵方城之外復伐許而還

秋齊侯伐我北鄙圍成

秋齊侯圍郕孟孺子速徼之齊侯曰是好勇去之以爲之名速遂塞海陘而還

人雪

冬叔孫豹如晉

冬穆叔如晉聘且言齊故晉人曰以寡君之未禘祀與民之未息不然不敢忘穆叔曰以齊人之朝夕釋憾於敝邑之地是以大請敝邑之急朝不及夕引領西望曰庶幾乎比執事之閒恐無及也見中行獻子賦圻父獻

子曰偃知罪矣敢不從執事以同恤社稷而使魯及此
見范宣子賦鴻雁之卒章宣子曰句在此敢使魯無鳩
乎

十有七年己春王二月庚午邾子貜卒

公穀並作子貜

宋人伐陳

十七年春宋莊朝伐陳獲司徒卬卑宋也

夏衛石買帥師伐曹

衛孫蒯田于曹隧飲馬于重丘毀其瓶重丘人閉門而
詢之曰親逐而君爾父爲厲是之不憂而何以田爲夏
衛石買孫蒯伐曹取重丘曹人愬于晉

附錄

襄二十二年傳子產對晉徵朝曰混梁之明年公孫夏從寡君以朝于君見于嘗耐與執燔焉

秋齊侯伐我北鄙圍桃公羊作桃齊高厚帥師伐我北鄙圍防

齊人以其未得志于我故秋齊侯伐我北鄙圍桃高厚
圍臧紇于防師自陽關逆臧孫至于旅松邴叔紇臧疇
臧賈帥甲三百宵犯齊師送之而復齊師去之齊人獲
臧堅齊侯使夙沙衛唁之且曰無死堅稽首曰拜命之
辱抑君賜不終姑又使其刑臣禮於士以杙抉其傷而
死

九月大雩

宋華臣出奔陳

傳在邾伐南鄙之後

宋華閱卒華臣

閱弟

弔臯比

弔之

室使賊殺其宰華吳賊

六人以鉞殺諸廬門合左師之後左師懼曰老夫無罪

賊曰臯比私有討於吳遂幽其妻嬖曰界余而大璧宋

公聞之曰臣也不唯其宗室是暴大亂宋國之政必逐

之左師曰臣也亦卿也大臣不順國之恥也不如蓋之
乃舍之左師爲己短策苟過華臣之門必騁十一月甲
午國人逐獐狗獐狗入於華臣氏國人從之華臣懼遂
奔陳

冬邾人伐我南部

冬邾人伐我南部爲齊故也

○宋皇國父爲大宰爲平公築臺妨於農收子罕請俟農
功之畢公弗許築者謳曰澤門之皙實興我役邑中之
黔實慰我心子罕聞之親執扑以行築者而扶其不勉
者曰吾儕小人皆有闔廬以辟燥濕寒暑今君爲一臺
而不速成何以爲役謳者乃止或問其故子罕曰宋國
區區而有詛有祝禍之本也○齊晏桓子卒晏嬰羸縗

斬其經帶杖菅屨食鸕居倚廬寢苦枕草其老曰非大

夫之禮也曰唯卿為大夫

十有八年春白狄來

公羊曰夷狄之君也何
以不言朝不能朝也

十八年春白狄始來

夏晉人執衛行人石買

夏晉人執衛行人石買于長子執孫蒯于純留為曹故

也

秋齊師

穀梁作侯

伐我北鄙冬十月公會晉侯宋公衛侯鄭伯

曹伯莒子邾子滕子薛伯杞伯小邾子同圍齊

穀梁曰非
圍而曰圍

諸侯同罪之
也亦漏矣

秋齊侯伐我北鄙中行獻子將伐齊夢與厲公訟弗勝

公以戈擊之首隊於前跪而戴之奉之以走見梗陽之

巫臯他日見諸道與之言同巫曰今茲主必死若有事
於東方則可以逞獻子許諾晉侯伐齊將濟河獻子以
朱絲係玉二轂而禱曰齊環怙恃其險負其衆庶棄好
背盟陵虐神主曾臣彪將率諸侯以討焉其官臣偃實
先後之苟捷有功無作神羞官臣偃無敢復濟唯爾有
神裁之沈玉而濟冬十月會于魯濟尋溴梁之言同伐
齊齊侯禦諸平陰塹防門而守之廣里夙沙衛曰不能
戰莫如守險弗聽諸侯之士門焉齊人多死范宣子告
析文子齊子家曰吾知子敢匿情乎魯人莒人皆請以車
千乘自其鄉入既許之矣若入君必失國子盍圖之子
家以告公公恐晏嬰聞之曰君固無勇而又聞是弗能
久矣齊侯登巫山以望晉師晉人使司馬斥山澤之險

雖所不至必旆而疏陳之使乘車者左實右僞以旆先
與曳柴而從之齊侯見之畏其衆也乃脫歸丙寅晦齊
師夜遁師曠告晉侯曰烏烏之聲樂齊師其遁邢伯告
中行伯曰有班馬之聲齊師其遁叔向告晉侯曰城上
有烏齊師其遁十一月丁卯朔入平陰遂從齊師夙沙
衛連大車以塞隧而殿殖綽郭最曰子殿國師齊之辱
也子姑先乎乃代之殿衛殺馬於隘以塞道晉州綽及
之射殖綽中肩兩矢夾脰曰止將爲三軍獲不止將取
其衷顧曰爲私誓州綽曰有如日乃弛弓而自後縛之
其右具丙亦舍兵而縛郭最皆矜甲面縛坐于中軍之
鼓下晉人欲逐歸者魯衛請攻險己卯荀偃士句以中
軍克京茲乙酉魏絳欒盈以下軍克邾趙武韓起以上

軍圍廬弗克十二月戊戌及秦周伐雍門之萩范鞅門
雍門其御追喜以戈殺犬于門中孟莊子斬其楸以
爲公琴己亥焚雍門及西郭南郭劉難士賜率諸侯之
師焚中池之竹木壬寅焚東郭北郭范鞅門于揚門州
綽門于東閭左驂迫還于門中以枚數闔齊侯駕將走
鄆榮大子與郭榮叩馬曰師速而疾略也將退矣君何
懼焉且社稷之主不可以輕輕則失衆君必待之將犯
之天子抽劍斷鞅乃止甲辰東侵及濰南及沂

冉伯負芻卒于師

楚公子午帥師伐鄭

鄭子孔欲去諸大夫將叛晉而起楚師以去之使告子
庚子庚弗許楚子聞之使揚豚尹宜告子庚曰國人謂

不穀主社稷而不出師死不從禮不穀卽位於今五年
師徒不出人其以不穀爲自逸而忘先君之業矣大夫
黜之其若之何子庚歎曰君王其謂午懷安乎吾以利
社稷也見使者稽首而對曰諸侯方睦於晉臣請嘗之
若可君而繼之不可收師而退可以無害君亦無辱子
庚帥師治兵於汾於是子蟜伯有子張從鄭伯伐齊子
孔子展子西守二子知子孔之謀完守入保子孔不敢
會楚師楚師伐鄭次於魚陵右師城上棘遂涉潁次于
旃然蔣子馮公子格率銳師侵費滑胥靡獻于雍梁右
回梅山侵鄭東北至于蟲牢而反子庚門于純門信于
城下而還涉於魚齒之下甚雨及之楚師多凍役徒幾
盡晉人聞有楚師師曠曰不害吾驟歌北風又歌南風

南風不競多死聲楚必無功董叔曰天道多在西北南

師不時必無功叔向曰在其君之德也

十有九年

丁未○曹武公勝元年○燕文公元年

春王正月諸侯盟于祝柯

公羊作祝阿

晉人執邾子公至自伐齊

公羊曰此同圍齊也何

齊則其言圍齊何抑齊也易爲抑齊爲其亟伐也

取邾田自漵水

十九年春諸侯還自沂上盟于督揚曰大毋侵小執邾

悼公以其伐我故遂次于泗上疆我田取邾田自漵水

歸之于我晉侯先歸公享晉六卿于蒲圃賜之三命之

服軍尉司馬司空輿尉候奄皆受一命之服賄荀偃束

錦加璧乘馬先吳壽夢之鼎荀偃痺疽生瘍於頭濟河

及著雍病目出大夫先歸者皆反士句請見弗內請後

曰鄭甥可二月甲寅卒而視不可含宣子盥而撫之曰

事吳敢不如事主猶視樂懷子曰其爲未卒事於齊故也乎乃復撫之曰主苟終所不嗣事于齊者有如河乃瞑受含宣子出曰吾淺之爲丈夫也

季孫宿如晉

傳在衛伐齊之後

季武子如晉拜師晉侯享之范宣子爲政賦黍苗季武子與再拜稽首曰小國之仰大國也如百穀之仰膏雨焉若常膏之其天下輯睦豈唯敝邑賦六月

葬曹成公

夏衛孫林父帥師伐齊

晉欒魴帥師從衛孫文子伐齊

○季武子以所得於齊之兵作林鐘而銘魯功焉臧武仲謂季孫曰非禮也夫銘天子合德諸侯言時計功大夫

稱伐今稱伐則下等也計功則借人也言時則妨民多矣何以爲銘且夫大伐小取其所得以作彝器銘其功烈以示子孫昭明德而懲無禮也今將借人之力以救其死若之何銘之小國幸於大國而昭所獲焉以怒之亡之道也

秋七月辛卯齊侯環

公羊卒

齊侯娶于魯曰顏懿姬無子其姪驪聲姬生光以爲大子諸子仲子戎子嬖仲子生牙屬諸戎子戎子請以爲大子許之仲子曰不可廢常不祥聞諸侯難光之立也列於諸侯矣今無故而廢之是專黜諸侯而以難犯不祥也君必悔之公曰在我而已遂東大子光使高厚傅牙以爲大子夙沙衛爲少傅齊侯疾崔杼微逆光

疾病而立之光殺戎子尸諸朝非禮也婦人無刑雖有刑不在朝市夏五月壬辰晦齊靈公卒莊公卽位執公子牙於句瀆之丘以夙沙衛易己衛奔高唐以叛

晉士句帥師侵齊至穀聞齊侯卒乃還

晉士句侵齊至穀聞喪而還禮也

○於四月丁未鄭公孫蠆卒赴於晉大夫范宣子言於晉侯以其善於伐秦也六月晉侯請於王王追賜之大路使以行禮也

八月丙辰仲孫蔑卒

齊殺其大夫高厚

秋八月齊崔杼殺高厚於灑藍而兼其室書曰齊殺其大夫從君於昏也

鄭殺其大夫公子嘉

公羊作喜

鄭子孔之爲政也專國人患之乃討西宮之難與純門之師子孔當罪以其甲及子革子良氏之甲守甲辰子展子西率國人伐之殺子孔而分其室書曰鄭殺其大夫專也子然子孔宋子之子也士子孔主媯之子也主媯之班亞宋子而相親也士子孔亦相親也僖之四年子然卒簡之元年士子孔卒司徒孔實相子革子良之室三室如一故及於難子革子良出奔楚子革爲右尹鄭人使子展當國子西聽政立子產爲卿

冬葬齊靈公

○齊慶封圍高唐弗克冬十一月齊侯圍之見衛在城上號之乃下問守備焉以無備告揖之乃登聞師將傳食

高唐人殖綽工僂會夜縋納師臨衛于軍

城西郭

城西郭懼齊也

叔孫豹會晉士匄于柯

齊及晉平盟于大隧故穆叔會范宣子于柯穆叔見叔向賦載馳之四章叔向曰肸敢不承命

城武城

穆叔歸曰齊猶未也不可以不懼乃城武城

○衛石其子卒悼子不哀孔成子曰是謂廢其本必不有其宗

二十年

戊申○齊莊公光元年

春王正月辛亥仲孫速

公羊作速下同

會莒

人盟于向

二十年春及莒平孟莊子會莒人盟于向督揚之盟故也

附錄

襄二十二年傳子產對晉欽朝日閒二年閒君將蒞東夏四月又朝以聽事期

夏六月庚申公會晉侯齊侯宋公衛侯鄭伯曹伯莒子邾子滕子薛伯杞伯小邾子盟于澶淵

復盟于澶淵齊成故也

秋公至自會

仲孫速帥師伐邾

邾人驟至以諸侯之事弗能報也秋孟莊子伐邾以報之

蔡殺其大夫公子變

殺梁作淫

蔡公子履出奔楚

蔡公子變欲以蔡之晉蔡人殺之公子履其母弟也故

出奔楚

陳侯之弟黃

公穀並作光下同

出奔楚

穀梁曰其弟云者親之也親而奔之惡也

陳慶虎慶寅畏公子黃之偪愬諸楚曰與蔡司馬同謀楚人以爲討公子黃出奔楚初蔡文侯欲事晉曰先君與於踐土之盟晉不可棄且兄弟也畏楚不能行而卒楚人使蔡無常公子變求從先君以利蔡不能而死書曰蔡殺其大夫公子變言不與民同欲也陳侯之弟黃出奔楚言非其罪也公子黃將出奔呼於國曰慶氏無道求專陳國暴蔑其君而去其親五年不滅是無天也叔老如齊

齊子初聘于齊禮也

冬十月丙辰朔日有食之

季孫宿如宋

冬季武子如宋報向戌之聘也褚師段逆之以受享賦常棣之七章以卒宋人重賄之歸復命公享之賦魚麗之卒章公賦南山有臺武子去所曰臣不堪也

○衛甯惠子疾召悼子曰吾得罪於君悔而無及也名藏在諸侯之策曰孫林父甯殖出其君君入則掩之若能掩之則吾子也若不能猶有鬼神吾有餒而已不來食矣悼子許諾惠子遂卒

二十有一年配春王正月公如晉

二十一年春公如晉拜師及取邾田也

邾庶其以漆間丘來奔

公羊曰邾婁無大夫此何以書重地也穀梁曰以者不以者也漆間

丘不言及小大敵也

邾庶其以漆間丘來奔季武子以公姑姊妻之皆有賜
於其從者於是魯多盜季孫謂臧武仲曰子盍詰盜武
仲曰不可詰也紇又不能季孫曰我有四封而詰其盜
何故不可子爲司寇將盜是務去若之何不能武仲曰
子召外盜而大禮焉何以止吾盜子爲正卿而來外盜
使紇去之將何以能庶其竊邑於邾以來子以姬氏妻
之而與之邑其從者皆有賜焉若大盜禮焉以君之姑
姊與其大邑其次阜牧輿馬其小者衣裳劒帶是賞盜
也賞而去之其或難焉紇也聞之在上位者洒濯其心
壹以待人軌度其信可明徵也而後可以治人夫上之
所爲民之歸也上所不爲而民或爲之是以加刑罰焉
而莫敢不懲若上之所爲而民亦爲之乃其所也又可

禁乎夏書曰念茲在茲釋茲在茲名言茲在茲允出茲在茲惟帝念功將謂由己壹也信由己壹而後功可念也庶其非卿也以地來雖賤必書重地也

○齊侯使慶佐爲大夫復討公子牙之黨執公子買于句瀆之丘公子鉏來奔叔孫還奔燕○夏楚子庚卒楚子使薳子馮爲令尹訪於申叔豫叔豫曰國多寵而王弱國不可爲也遂以疾辭方暑闕地下冰而牀焉重繭衣裘鮮食而寢楚子使醫視之復曰瘠則甚矣而血氣未動乃使子南爲令尹

夏公至自晉

秋晉欒盈出奔楚

欒桓子

盈

娶於范宣子生懷子盈范鞅以其亡也怨欒

氏故與欒盈爲公族大夫而不相能桓子卒欒祁盈與

其老州賓通幾亡室矣懷子患之祁懼其討也愬諸宣

子曰盈將爲亂以范氏爲死桓主而專政矣曰吾父逐

鞅也不怒而以寵報之又與吾同官而專之吾父死而

益富死吾父而專於國有死而已吾蔑從之矣其謀如

是懼害於主吾不敢不言范鞅爲之徵懷子好施士多

歸之宣子畏其多士也信之懷子爲下卿宣子使城著

而遂逐之秋欒盈出奔楚欒氏之臣辛俞行使執而獻之公公曰國有大戮施欒氏之臣辛俞行使執而獻之公公曰國有大

令何故犯之對曰臣聞之曰欒氏之臣辛俞行使執而獻之公公曰國有大

主之自臣之祖以無大援於晉國世欒氏于今三世

矣臣故不敢不君今執政曰不從君者爲大戮臣敢忘

其死而叛其君以宣子殺箕遺黃淵嘉父司空靖祁豫
董叔祁師申書羊舌虎叔黹囚伯華叔向籍偃人謂叔

向曰子離於罪其爲不知乎叔向曰與其死亡若何詩曰優哉游哉聊以卒歲知也樂王鮒見叔向曰吾爲子請叔向弗應出不拜其人皆咎叔向叔向曰必祁大夫室老聞之曰樂王鮒言於君無不行求赦吾子吾子不許祁大夫所不能也而曰必由之何也叔向曰樂王鮒從君者也何能行祁大夫外舉不棄讎內舉不失親其獨遺我乎詩曰有覺德行四國順之夫子覺者也晉侯問叔向之罪於樂王鮒對曰不棄其親其有焉於是祁奚老矣聞之乘駟而見宣子曰詩曰惠我無疆子孫保之書曰聖有謦勲明徵定保夫謀而鮮過惠訓不倦者叔向有焉社稷之固也猶將十世宥之以勸能者今壹不免其身以棄社稷不亦惑乎鮒殛而禹與伊尹放大

甲而相之卒無怨色管蔡爲戮周公右王若之何其以
虎也棄社稷子爲善誰敢不勉多殺何爲宣子說與之
乘以言諸公而免之不見叔向而歸叔向亦不告免焉
而朝初叔向之母妬叔虎之母美而不使其子皆諫其
母其母曰深山大澤實生龍蛇彼美余懼其生龍蛇以
禍女女傲族也國多大寵不仁人間之不亦難乎余何
愛焉使往視寢生叔虎美而有勇力欒懷子嬖之故羊
舌氏之族及於難國語曰叔魚生其母視之曰是虎目
而豕喙爲國而牛腹谿谿可盈是不
可廢也必以欒盈過於周周西鄙掠之辭於行人曰天
賄死逐弗視子陪臣盈得罪於王之守臣將逃罪罪重於郊甸無所
伏竄敢布其死昔陪臣書能輸力於王室王施惠焉其
子驥不能保任其父之勞大君若不棄書之力亡臣猶

有所逃若棄書之力而思慙之罪臣戮餘也將歸死於
尉氏不敢還矣敢布四體唯大君命焉王曰尤而效之
其又甚焉使司徒禁掠樂氏者歸所取焉使候出諸輶

輶

九月庚戌朔日有食之

冬十月庚辰朔日有食之

曹伯來朝

冬曹武公來朝始見也

公會晉侯齊侯宋公衛侯鄭伯曹伯莒子邾子于商任

會於商任錡樂氏也齊侯衛侯不敬叔向曰二君者必
不免會朝禮之經也禮政之興也政身之守也怠禮失
政失政不立是以亂也知起中行喜州綽邢蒯出奔齊

皆樂氏之黨也樂王鮒謂范宣子曰盍反州綽邢蒯勇
士也宣子曰彼樂氏之勇也余何獲焉王鮒曰子爲彼
樂氏乃亦子之勇也齊莊公朝指殖綽郭最曰是寡人
之雄也州綽曰君以爲雄誰敢不雄然臣不敏平陰之
役先二子鳴莊公爲勇爵殖綽郭最欲與焉州綽曰東
閭之役臣左驂迫還於門中識其枚數其可以與於此
乎公曰子爲晉君也對曰臣爲隸新然二子者讐於禽
獸臣食其肉而寢處其皮矣

附錄穀梁傳庚子生○公子傳十有一月庚子

二十有二年庚戌春王正月公至自會

○二十二年春臧武仲如晉雨過御叔御叔在其邑將飲
酒曰焉用聖人我將飲酒而已雨行何以聖爲穆叔聞

之曰不可使也而傲使人國之蠹也令倍其賦

夏四月

○夏晉人徵朝于鄭鄭人使少正公孫僑對曰在晉先君
悼公九年我寡君於是卽位卽位八月而我先大夫子
駟從寡君以朝于執事執事不禮於寡君寡君懼因是
行也我二年六月朝于楚晉是以有戲之役楚人猶競
而申禮於敝邑敝邑欲從執事而懼爲大尤曰晉其謂
我不其有禮是以不敢攜貳於楚我四年三月先大夫
子蟠又從寡君以觀釁於楚晉於是乎有蕭魚之役謂
我敝邑邇在晉國嘗諸草木吾臭味也而何敢差池楚
亦不競寡君悉其土實重之以宗器以受齊盟遂帥羣
臣隨于執事以會歲終貳於楚者子侯石孟歸而討之

湟梁之明年子嬌老矣公孫夏從寡君以朝于君見于
當耐與執燔焉閒二年聞君將靖東夏四月又朝以聽
事期不朝之間無歲不聘無役不從以大國政令之無
常國家罷病不虞荐至無日不惕豈敢忘職大國若安
定之其朝夕在庭何辱命焉若不恤其患而以爲口實
其無乃不堪任命而翦爲仇讎敝邑是懼其敢忘君命
委諸執事執事實重圖之

秋七月辛酉叔老卒

○秋欒盈自楚適齊晏平仲言於齊侯曰商任之會受命
於晉今納欒氏將安用之小所以事大信也失信不立
君其圖之弗聽退告陳文子曰君人執信臣人執其忠
信篤敬上下同之天之道也君自棄也弗能久矣○九

月鄭公孫黑肱有疾歸邑于公召室老宗人立段而使
黜官薄祭祭以特羊殷以少牢足以其祀盡歸其餘邑
曰吾聞之生於亂世貴而能貧民無求焉可以後亡敬
其事君與三子生在敬戒不在富也已已伯張卒君
子曰言戒詩曰慎爾侯度用戒不虞鄭子張其有焉

冬公會齊侯齊侯宋公衛侯鄭伯曹伯莒子邾子薛伯杞
伯小邾子于沙隨

冬會于沙隨復錮欒氏也欒盈猶在齊晏子曰禍將作
矣齊將伐晉不可以不懼

公至自會

楚殺其大夫公子追舒

楚觀起有寵於令尹子南未益祿而有馬數十乘楚人

患之王將討焉子南之子棄疾爲王御士王每見之必泣棄疾曰君三泣臣矣敢問誰之罪也王曰令尹之不能爾所知也國將討焉爾其居乎對曰父戮子居君焉用之洩命重刑臣亦不爲王遂殺子南於朝輶觀起於四竟子南之臣謂棄疾請徙子尸於朝曰君臣有禮唯二三子三日棄疾請尸王許之既葬其徒曰行乎曰吾與殺吾父行將焉入曰然則臣王乎曰棄父事讎吾弗忍也遂縊而死復使蓬子馮爲令尹公子齒爲司馬屈建爲莫敖有寵於蓬子者八人皆無祿而多馬他日朝與申叔豫言弗應而退從之入於人中又從之遂歸退朝見之曰子三困我於朝吾懼不敢不見吾過子姑告我何疾我也對曰吾不免是懼何敢告子曰何故對曰

昔觀起有寵於子南子南得罪觀起車裂何故不懼自
御而歸不能當道至謂八人者曰吾見申叔夫子所謂
生死而肉骨也知我者如夫子則可不然請止辭八人
者而後王安之

○十二月鄭游貳將如晉未出竟遭逆妻者奪之以館于
邕丁巳其夫攻子明游貳殺之以其妻行子展廢良子貳而
立大叔弟曰國卿君之貳也民之主也不可以苟請舍
子明之類求亡妻者使復其所使游氏勿怨曰無昭惡
也

春秋經傳比事卷十三

閩 林春溥 鑑塘

襄公

十有三年春王二月癸酉朔日有食之

月己巳杞伯句卒

十三年春杞孝公卒晉悼公夫人喪之平公不徹樂

非禮也禮為鄰國闕

夏邾界我

公羊作我

來奔

公羊曰邾婁無大夫此何以書以近書也

葬杞孝公

陳殺其大夫慶虎及慶寅

殺梁曰稱國以殺罪累上也及慶寅慶寅累也

陳侯如楚公子黃愬二慶於楚楚人召之使慶樂往殺之慶氏以陳叛夏屈建從陳侯圍陳陳人城板隊而殺

人役人相命各殺其長遂殺慶虎慶寅楚人納公子黃
君子謂慶氏不義不可肆也故書曰惟命不于常

陳侯之弟黃自楚歸于陳

晉欒盈復入于晉入于曲沃

晉將嫁女于吳齊侯使析歸父媵之以藩載欒盈及其
士納諸曲沃欒盈夜見胥午而告之對曰不可天之所
廢誰能興之子必不免吾非愛死也知不集也盈曰雖
然因子而死吾無悔矣我實不天子無咎焉許諾伏之
而觴曲沃人樂作午言曰今也得欒孺子何如對曰得
主而爲之死猶不死也皆歎有泣者爵行又言皆曰得
主何貳之有盈出徧拜之四月欒盈帥曲沃之甲因魏
獻子魏舒以書入絳初欒盈佐魏莊子於下軍獻子私焉

故因之趙氏以原屏之難怨樂氏韓趙方睦中行氏以
伐秦之役怨樂氏而固與范氏和親知悼子少而聽於
中行氏程鄭嬖於公唯魏氏及七輿大夫與之樂王鮒
侍坐於范宣子或告曰樂氏至矣宣子懼桓子鮒曰奉
君以走固宮必無害也且樂氏多怨子爲政樂氏自外
子在位其利多矣既有利權又執民柄將何懼焉樂氏
所得其唯魏氏乎而可強取也夫克亂在權子無懈矣
公有姻喪王鮒使宣子墨綬冒經二婦人輦以如公奉
公以如固宮范鞅逆魏舒則成列旣乘將逆樂氏矣趙
進曰樂氏帥賊以入鞅之父與二三子在君所矣使鞅
逆吾子鞅請驂乘持帶遂超乘右撫劍左援帶命驅之
出僕請鞅曰之公宣子逆諸階執其手賂之以曲沃初

斐豹隸也著於丹書樂氏之力臣曰督我國人懼之斐豹謂宣子曰苟焚丹書我殺督戎宣子喜曰而殺之所不請於君焚丹書者有如日乃出豹而閉之督戎從之踰隱而待之督戎踰入豹自後擊而殺之范氏之徒在臺後樂氏乘公門宣子謂鞅曰矢及君屋死之鞅用劍以帥卒樂氏退攝車從之遇樂樂曰樂免之死將訟女於天樂射之不中又注則乘槐本而覆或以戟鈎之斷肘而死樂魴傷樂盈奔曲沃晉人圍之

秋齊侯伐衛遂伐晉

秋齊侯伐衛先驅穀梁御王孫揮召揚爲右申驅成秩御莒恒申鮮虞之傅摯爲右曹開御戎晏父戎爲右貳廣上之登御邢公盧蒲癸爲右啓牢成御襄罷師狼蘧

疏爲右朕商子車御侯朝桓跳爲右大殿商子游御夏
之御寇霍如爲右燭庸之越駟乘自衛將遂伐晉晏平
仲曰君恃勇力以伐盟主若不濟國之福也不德而有
功憂必及君崔杼諫曰不可臣聞之小國聞大國之敗
而毀焉必受其咎君其圖之弗聽陳文子見崔武子曰
將如君何武子曰吾言於君君弗聽也以爲盟主而利
其難羣臣若急君於何有子姑止之文子退告其人曰
崔子將死乎謂君甚而又過之不得其死過君以義猶
自抑也況以惡乎齊侯遂伐晉取朝歌爲二隊入孟門
登太行張武軍於熒庭成邾邵封少水以報平陰之役
乃還趙勝帥東陽之師以追之獲晏釐

八月叔孫豹帥師救晉次于雍榆

公穀並作渝○穀梁曰言救後次非救也

八月叔孫豹帥師救晉次于雍榆禮也

己卯仲孫速卒

季武子無適子公彌長而愛悼子欲立之訪於申豐曰
彌與紇吾皆愛之欲擇才焉而立之申豐趨退歸盡室
將行他日又訪焉對曰其然將具敝車而行乃止訪於
臧紇臧紇曰飲我酒吾爲子立之季氏飲大夫酒臧紇
爲客既獻臧孫命北面重席新樽絜之召悼子降逆之
大夫皆起及旅而召公鉏公鉏使與之齒季孫失色季氏
以公鉏爲馬正愠而不出閔子馬見之曰子無然禍福
無門唯人所召爲人子者患不孝不患無所敬其父命
何常之有若能孝敬富倍季氏可也姦回不軌禍倍下
民可也公鉏然之敬其朝夕恪居官次季孫喜使飲己

酒而以具往盡舍旃故公鉏氏富又出爲公左宰孟孫
惡臧孫季孫愛之孟氏之御騶豈點好羯也曰從余言
必爲孟孫再三云羯從之孟莊子疾豐點謂公鉏苟立
羯請讎臧氏公鉏謂季孫曰孺子秩固其所也若羯立
則季氏信有力於臧氏矣弗應己卯孟孫卒公鉏奉羯
立于戶側季孫至入哭而出口曰秩焉在公鉏曰羯在
此矣季孫曰孺子長公鉏曰何長之有唯其才也且夫子
之命也遂立羯秩奔邾臧孫入哭甚哀多涕出其御曰
孟孫之惡子也而哀如是季孫若死其若之何臧孫曰
季孫之愛我疾疾也孟孫之惡我藥石也美疾不如惡
石夫石猶生我疾之美其毒滋多孟孫死吾亡無日矣
冬十月乙亥臧孫紇出奔邾

數梁曰其日正臧孫紇之出也隨伯玉曰不以道事其君

者其
出乎

孟氏閉門告於季孫曰臧氏將爲亂不使我葬季孫不信臧孫聞之戒冬十月孟氏將辟藉除於臧氏臧孫使正夫助之除於東門甲從己而視之孟氏又告季孫季孫怒命攻臧氏乙亥臧紇斬鹿門之關以出奔邾初臧宣叔娶于鑄生賈及爲而死繼室以其姪穆姜之姨子也生紇長於公宮姜氏愛之故立之臧賈臧爲出在鑄臧武仲自邾使告臧賈且告大蔡焉曰紇不佞失守宗祧敢告不弔紇之罪不及不祀子以大蔡納請其可賈曰是家之禍也非子之過也豈聞命矣再拜受龜使爲以納請遂自爲也臧孫如防使來告曰紇非能害也知不足也非敢私請苟守先祀無廢二勲敢不辟邑乃立

臧爲臧紇致防而奔齊其人曰其盟我乎臧孫曰無辭
將盟臧氏季孫召外史掌惡臣而問盟首焉對曰盟東
門氏也曰毋或如東門遂不聽公命殺適立庶盟叔孫
氏也曰毋或如叔孫僑如欲廢國常蕩覆公室季孫曰
臧孫之罪皆不及此孟椒曰盍以其犯門斬關季孫用
之乃盟臧氏曰毋或如臧孫紇干國之紀犯門斬關臧
孫聞之曰國有人焉誰居其孟椒乎

晉人殺欒盈

晉人克欒盈于曲沃盡殺欒氏之族黨欒魴出奔宋書
曰晉人殺欒盈不言大夫言自外也

齊侯襲莒

齊侯還自晉不入遂襲莒門于且于傷股而退明日將

復戰期于壽舒杞殖華還載甲夜入且于之隧宿於莒
郊明日先遇莒子於蒲侯氏莒子重賂之使無死曰請
有盟華周對曰貪貨棄命亦君所惡也昏而受命日未
中而棄之何以事君莒子親鼓之從而伐之獲杞梁莒
人行成齊侯歸遇杞梁之妻於郊使弔之辭曰殖之有
罪何辱命焉若免於罪猶有先人之敝廬在下妾不得
與郊弔齊侯弔諸其室

齊侯將爲臧紇田臧孫聞之見齊侯與之言伐晉對曰
多則多矣抑君似鼠夫鼠晝伏夜動不穴於寢廟畏人
故也今君聞晉之亂而後作焉寧將事之非鼠如何乃
弗與田仲尼曰知之難也有臧武仲之知而不容於魯
國抑有由也作不順而施不恕也夏書曰念茲在茲順

事恕施也

附錄

國語靈王二十二年穀洛鬪將毀王宮王欲壅之

藪不防川不實澤夫山土之聚也藪物之歸也川氣之導也澤水之鍾也夫天地成而聚于高歸物于下疏爲川谷以導其氣陂塘汙庫以鍾其美是故聚不弛崩而物有所歸氣不沈滯而亦不散越是以民生有財用而死有所葬然則無天昏札瘥之憂而無飢寒乏匱之患故上下能相固以待不虞古之聖王唯此之慎昔共工棄此道也虞于湛樂淫失其身欲壅防百川墮高堙庫以害天下皇天弗福庶民弗助禍亂並興共工用滅其在有虞有密伯鯀播其淫心稱遂共工之過堯用殛之于羽山其後伯禹念前之非度釐改制量象物天地比類百則儀之于民而度之于羣生共之從孫四岳佐之高高下下疏川導滯鍾水豐物封崇九山決汨九川陂障九澤豐殖九藪汨越九原宅居九隩合通四海故天無伏陰地無散陽水無沈氣火無災燿神無間行民無淫心時無逆數物無害生帥象禹之功度之于軌儀莫非嘉績克厭帝心皇天嘉之昨以天下賜姓曰姒氏曰有夏謂其能以嘉祀殷富生物也昨四岳國命爲侯伯賜姓曰姜氏曰有呂謂其能爲禹股肱心膂以養物豐民人也此一王四伯豈繫多德皆亡王之後唯能釐舉嘉義以有胤在下守祀不替其典有夏雖衰杞鄫猶在

申呂雖衰齊許猶在唯有嘉功以命姓受祀迄于天下
及其失之也必有悖淫之心聞之故亡其氏姓陪弊不
振絕後無主堙替隸圉夫亡者豈繫無寵皆黃炎之後
也唯不帥天地之度不順四時之序不度民神之義不
儀生物之則以殄滅無胤至于今不祀及其得之也必
有忠信之心則以殄滅無胤至于今不祀及其得之也必
儀于物則故高朗令終顯融昭明受命受氏而附之以
令名若啟先王之遺訓省其典圖刑法而觀其廢興者
皆可知也其興者必有夏呂之功焉其廢者必有其繇
之敗焉今吾執政無乃實有所避而滑夫二川之神使
至于爭明以妨王宮王而飾之無乃不可乎人有言曰
無過亂人之門又曰佐雖者嘗焉佐國者傷焉又曰禍
不好不能為禍詩曰匪牡騶虞有騶亂生不夷靡
國不泯又曰民之貪亂寧為荼毒大見亂而不惕所殘
必多其飾彌章民有怨亂猶不可遏而況神乎王將防
闕川以飾宮是飾亂而作亂也其無乃章禍且遇傷乎
自我先王禹宮幽平其愈卑乎其若之何自后稷以來寧
懼長及子孫王宰其愈卑乎其若之何自后稷以來寧
亂及文武成康而作克安民自康之始基靖民十五
王而文始平之十八王而康克安之其鄰也如是厲始
革典十則王矣其德十五而始平基福十五其不濟乎
吾朝又繼釋曰其何德之脩而少光王室以逆天休王
又草輔亂將何以卑之王無亦繫于黎苗之王下及
夏商之季上不象天而下不儀地中不和民而方不順

時不共神祇而茂棄五則是以人夷其宗廟而火焚其
器子孫為隸下夷了民而亦未觀夫前哲令德之則
此五者而受天之禮福饗民之勲力子孫豐厚令聞
不此是皆天子之所知也天所崇之子孫或在賦畝由
亂民也賦畝之人或在社稷由欲靖民也無有異焉
詩云殷鑒不遠近在夏后之世將焉用飾官以儆亂也
典之天神則非祥也比之地物則非義也類之民則則
君仁也方之時動則非順也吝之前訓則非正也觀之
書與民之患言皆亡王之為也上下儀之無所比度
上其圖之夫事大不從象小不從文上非天刑下非地
德中非民則力非助動而作之者必不節矣作又不節
言之道也上中亂之及景王多寵人亂于是乎始生景
王王室遂卑

十有四年

王子○紀文
公益始元年

春叔孫豹如晉

二十四年春穆叔如晉范宣子逆之問焉曰古人有言
曰死而不朽何謂也穆叔未對宣子曰昔句之祖自虞
以上為陶唐氏在夏為御龍氏在商為豕韋氏在周為
唐杜氏晉主夏盟為范氏其是之謂乎穆叔曰以豹所

聞此之謂世祿非不朽也魯有先大夫曰臧文仲旣沒其言立其是之謂乎豹聞之大上有立德其次有立功其次有立言雖久不廢此之謂不朽若夫保姓受氏以守宗祔世不絕祀無國無之祿之大者不可謂不朽

○范宣子爲政諸侯之幣重鄭人病之二月鄭伯如晉子產寓書於子西以告宣子曰子爲晉國四鄰諸侯不聞令德而聞重幣僑也惑之僑聞君子長國家者非無賄之患而無令名之難夫諸侯之賄聚於公室則諸侯貳若吾子賴之則晉國貳諸侯貳則晉國壞晉國貳則子之家壞何沒沒也將焉用賄夫令名德之輿也德國家之基也有基無壞無亦是務乎有德則樂樂則能久詩云樂旨君子邦家之基有令德也夫上帝臨女無貳爾

心有令名也夫恕思以明德則令名載而行之是以遠
至邇安毋寧使人謂子子實生我而謂子浚我以生乎
象有齒以焚其身賄也宣子說乃輕幣是行也鄭伯朝
晉爲重幣故且請伐陳也鄭伯稽首宣子辭子西相曰
以陳國之介恃大國而陵虐於敝邑寡君是以請罪焉
敢不稽首

仲孫羯帥師侵齊

孟孝伯侵齊晉故也

夏楚子伐吳

夏楚子爲舟師以伐吳不爲軍政無功而還

秋七月甲子朔日有食之旣

齊崔杼帥師伐莒

齊侯既伐晉而懼將欲見楚子楚子使遼啓彊如齊聘
且請期齊社蒐軍實使客觀之陳文子曰齊將有寇吾
聞之兵不戢必取其族秋齊侯聞將有晉師使陳無宇
從遼啓彊如楚辭且乞師崔杼帥師送之遂伐莒侵介
根

大水

八月癸巳朔日有食之

公會晉侯宋公衛侯鄭伯曹伯莒子邾子滕子薛伯杞伯

小邾子于夷儀

公羊傳陳
漢下同

會于夷儀將以伐齊水不克

冬楚子蔡侯陳侯許男伐鄭

冬楚子伐鄭以救齊門于東門次于棘澤諸侯還救鄭

管侯使張幣輶蹠致楚師求御于鄭鄭人卜宛射犬吉
于大叔戒之曰大國之人不可與也對曰無有眾寡其
上一也大叔曰不然部婁無松柏二子在幄坐射犬于
外既食而後食之使御廣車而行已皆乘乘車將及楚
師而後從之乘皆踞轉而鼓琴近不告而馳之皆取胃
於橐而內人壘皆下搏人以投收禽挾囚弗待而出皆
超乘抽弓而射既免復踞轉而鼓琴曰公孫同乘兄弟
也胡冉不謀對曰曩者志入而已今則怯也皆笑曰公
孫之亟也○楚子自棘澤還使還啓疆帥師送陳無宇
○吳人爲楚舟師之役故召舒鳩人舒鳩人叛楚楚子
師于荒浦使沈尹筮與師祁犁讓之舒鳩子敬逆二子
而告無之且請受盟二子復命王欲伐之還子曰不可

彼告不叛且請受盟而又伐之伐無罪也姑歸息民以待其卒卒而不貳吾又何求若猶叛我無辭有庸乃還

公至自會

陳鍼宜咎出奔楚

陳人復討慶氏之黨鍼宜咎出奔楚

叔孫豹如京師

齊人城邾叔孫豹如周聘且賀城王嘉其有禮也賜之

大路

大饑

穀梁曰五穀不升為大饑一穀不升謂之饑二穀不升謂之饑三穀不升謂之饑四穀不升謂之饑五穀不升謂之饑六穀不升謂之饑七穀不升謂之饑八穀不升謂之饑九穀不升謂之饑十穀不升謂之饑

也

晉侯驪程鄭使佐下軍鄭行人公孫揮如晉聘程鄭問

焉曰敢問降階何由子羽不能對歸以語然明然明曰
是將死矣不然將亡貴而知懼懼而思降乃得其階下
人而已又何問焉且夫既登而求降階者知人也不在
程鄭其有亡釁乎不然其有惑疾將死而憂也

二十有五年

丑癸

春齊崔杼帥師伐我北鄙

二十五年春齊崔杼帥師伐我北鄙以報孝伯之師也
公患之使告于晉孟公綽曰崔子將有大志不在病我
必速歸何患焉其來也不寇使民不嚴異於他日齊師
徒歸

夏五月乙亥齊崔杼弑其君光

齊棠公之妻東郭偃之姊也東郭偃臣崔武子棠公死
偃御武子以弔焉見棠姜而美之使偃取之偃曰男女

辨姓今君出自丁臣出自桓不可武子筮之遇困三三之大過三三史皆曰吉示陳文子文子曰夫從風風隕妻不可娶也且其繇曰困于石據于蒺藜入于其宮不見其妻凶困于石往不濟也據于蒺藜所恃傷也入于其宮不見其妻凶無所歸也崔子曰嫫也何害先夫當之矣遂取之莊公通焉驟如崔氏以崔子之冠賜人侍者曰不可公曰不爲崔子其無冠乎崔子因是又以其間伐晉也曰晉必將報欲弑公以說于晉而不獲間公鞭侍人賈舉而又近之乃爲崔子開公夏五月莒爲且于之役故莒子朝于齊甲戌饗諸北郭崔子稱疾不視事乙亥公問崔子遂從姜氏姜入于室與崔子自側戶出公拊楹而歌侍人賈舉止衆從者而入閉門甲與公

登臺而請弗許請盟弗許請白刃於廟弗許皆曰君之
臣杼疾病不能聽命近於公宮陪臣干誣有淫者不知
二命公踰牆又射之中股反隊遂弑之賈舉州糾邠師
公孫敖封具鐸父襄伊偃堙皆死祝佗父祭於高唐至
復命不說弁而死於崔氏申蒯倚漁者退謂其宰曰爾
以帑免我將死其宰曰免是反子之義也與之皆死崔
氏殺慶蔑于平陰晏子立於崔氏之門外其人曰死乎
曰獨吾君也乎哉吾死也曰行乎曰吾罪也乎哉吾亡
也曰歸乎曰君死安歸君民者豈以陵民社稷是主臣
君者豈爲其口實社稷是養故君爲社稷死則死之爲
社稷亡則亡之若爲己死而爲己亡非其私暱誰敢任
之且人有君而弑之吾焉得死之而焉得亡之將庸何

歸門啓而入枕尸股而哭興三踊而出人謂崔子必殺之崔子曰民之望也舍之得民盧蒲癸奔晉王何奔莒叔孫宣伯之在齊也叔孫還納其女於靈公嬖生景公丁丑崔杼立而相之慶封爲左相盟國人於大宮曰所不與崔慶者晏子仰天歎曰嬰所不唯忠於君利社稷者是與有加上帝乃歆辛巳公與大夫及莒子盟大史書曰崔杼弑其君崔子殺之其弟嗣書而死者二人其弟又書乃舍之南史氏聞大史盡死執簡以往聞旣書矣乃還闔戶嬰以帷縛其妻而載之與申鮮虞乘而出鮮虞推而下之曰君昏不能匡危不能救死不能死而知畏其暱其罪大矣之行及弇中將舍嬰曰崔慶其追我鮮虞曰一與一誰能懼我遂舍枕轡而寢食馬而食駕

而行出奔中謂嬰曰速驅之崔慶之衆不可當也遂來奔崔氏側莊公于北郭丁亥葬諸士孫之里四嬰不蹕下車七乘不以兵甲

公會晉侯宋公衛侯鄭伯曹伯莒子邾子滕子薛伯杞伯小邾子于夷儀

晉侯濟自泮會于夷儀伐齊以報朝歌之役齊人以莊公說使隰鉏請成慶封如師男女以班賂晉侯以宗器樂器自六正五吏三十帥三軍之大夫百官之正長師旅及處守者皆有賂晉侯許之使叔向告於諸侯公使子服惠伯對曰君舍有罪以靖小國君之惠也寡君聞命矣

○晉侯使魏舒宛沒逆衛侯將使衛與之夷儀崔子止其

帑以求五鹿

六月壬子鄭公孫舍之帥師入陳

初陳侯會楚子伐鄭當陳隧者并堙木刊鄭人怨之六月鄭子展子產帥車七百乘伐陳宵突陳城遂入之陳侯扶其大子偃師奔墓遇司馬桓子曰載余曰將巡城遇賈獲載其母妻下之而授公車公曰舍而毋辭曰不祥與其妻扶其母以奔墓亦也子展命師無入公宮與子產親御諸門陳侯使子展賂以宗器陳侯免擁社使其衆男女別而繫以帛於朝子展執紼而見再拜稽首承飲而進獻子美子產入數俘而出祝祓社司徒致民司馬致節司空致地乃還

秋八月己巳諸侯同盟于重丘

秋七月己巳同盟于重丘齊成故也

趙文子爲政令薄諸侯之幣而重其禮穆叔見之謂穆叔曰自今以行兵其少弭矣齊崔慶新得政將求善於諸侯武也知楚令尹若敬行其禮道之以文辭以靖諸侯兵可以弭

公至自會

衛侯入于夷儀

傳在楚滅舒鳩之後

衛獻公入于夷儀

楚屈建帥師滅舒鳩

楚蘧子馮卒屈建爲令尹屈蕩爲莫敖舒鳩人卒叛楚令尹子木伐之及離城吳人救之子木遽以右師先子墨息桓子捷子駟子孟帥左師以退吳人居其閒七日

子盟曰久將墊隘隘乃禽也不如速戰請以其私卒誘之簡師陳以待我我克則進奔則亦視之乃可以免不然必爲吳禽從之五人以其私卒先擊吳師吳師奔登山以望見楚師不繼復逐之傳諸其軍簡師會之吳師大敗遂圍舒鳩舒鳩潰八月楚滅舒鳩

冬鄭公孫夏帥師入陳

夏公羊作曠

鄭子產獻捷于晉戎服將事晉人問陳之罪對曰昔虞閼父爲周陶正以服事我先王我先王賴其利器用也與其神明之後也庸以元女大姬配胡公而封諸陳以備三恪則我周之自出至于今是賴桓公之亂蔡人欲立其出我先君莊公奉五父而立之蔡人殺之我又與蔡人奉戴厲公至於莊宣皆我之自立夏氏之亂成公

播蕩又我之自入君所知也今陳忘周之大德蔑我大
惠棄我姻親介恃楚衆以馮陵我敝邑不可億逞我是
以有往年之告未獲成命則有我東門之役當陳隧者
井堙木刊敝邑大懼不競而恥大姬天誘其衷啓敝邑
心陳知其罪授手于我用敢獻功晉人曰何故侵小對
曰先王之命唯罪所在各致其辟且昔天子之地一圻
列國一同自是以衰今大國多數圻矣若無侵小何以
至焉晉人曰何故戎服對曰我先君武莊爲平桓卿士
城濮之役文公布命曰各復舊職命我文公戎服輔王
以授楚捷不敢廢王命故也士莊伯不能詰復於趙文
子文子曰其辭順犯順不祥乃受之冬十月子展相鄭
伯如晉拜陳之功子西復伐陳陳及鄭平仲尼曰志有

之言以足志文以足言不言誰知其志言之無文行而不遠晉爲伯鄭入陳非文辭不爲功慎辭哉

○楚蔣掩爲司馬子木使庀賦數甲兵甲午蔣掩書土田度山林鳩藪澤辨京陵表淳鹵數疆潦規偃豬町原防牧隰臯井衍沃量入脩賦賦車籍馬賦車籍馬徒卒甲楯之數旣成以授子木禮也

十有二月吳子遏

公穀並作謁

伐楚門于巢卒

穀梁曰非吳子之自輕也

十二月吳子諸樊伐楚以報舟師之役門于巢巢牛臣

曰吳王勇而輕若啓之將親門我復射之必殛是君也

死疆其少安從之吳子門焉牛臣隱於短牆以射之卒

吳世家曰諸樊卒有而授弟餘祭欲以次致國乎季札而止以稱壽夢之意

○楚子以滅舒鳩賞子木辭曰先大夫爲子之功也以與

爲掩○晉程鄭卒子產始知然明問爲政焉對曰視民
如子見不仁者誅之如鷹鷂之逐鳥雀也子產喜以語
子大叔且曰他日吾見蔑之面而已今吾見其心矣子
人叔問政於子產子產曰政如農功日夜思之思其始
而成其終朝夕而行之行無越思如農之有畔其過鮮
矣○衛獻公自夷儀使與甯喜言甯喜許之大叔文子
聞之曰烏乎詩所謂我躬不說皇恤我後者甯子可謂
不恤其後矣將可乎哉殆必不可君子之行思其終也
思其復也書曰慎始而敬終終以不困詩曰夙夜匪解
以事一人今甯子視君不如弈棋其何以免乎弈者舉
棋不定不勝其耦而況置君而弗定乎必不免矣九世
之卿族一舉而滅之可哀也哉○會于夷儀之歲齊人

城郟其五月秦晉爲成晉韓起如秦涖盟秦伯車如晉涖盟成而不結

二十有六年

甲寅○齊景公杵臼元年○吳餘祭元年

○二十六年春秦伯之弟鍼如晉脩成叔向命召行人子員行人子朱曰朱也當御三云叔向不應子朱怒曰班爵同何以黜朱於朝撫劍從之叔向曰秦晉不和久矣今日之事幸而集晉國賴之不集三軍暴骨子員道二國之言無私子常易之姦以事君者吾所能御也拂衣從之人救之平公曰晉其庶乎吾臣之所爭者大師曠曰公室懼卑臣不心競而力爭不務德而爭善私欲已侈能無卑乎

晉王二月辛卯衛甯喜弑其君剽

衛獻公使子鮮爲復辭敬如強命之對曰君無信臣懼不免敬如曰雖然以吾故也許諾初獻公使與甯喜言甯喜曰必子鮮在不然必敗故公使子鮮子鮮不獲命於敬如以公命與甯喜言曰苟反政由甯氏祭則寡人公羊曰衛甯殖與孫林父逐衛侯而立公孫剽甯殖病將死謂喜曰黜公者非吾意也孫氏爲之我卽死女能固納公乎喜曰諾甯殖死喜立爲大夫使人謂獻公曰吾欲納公何如獻公曰子苟納我吾請與子盟喜曰無所用盟請使公子鱄約之獻公謂公子鱄鱄辭曰夫負羈繫執鉄鉞從君東西南北則是臣僕庶孽之事也若夫約言爲信則非臣僕庶孽之敢與也獻公怒曰黜我者非甯氏與孫氏凡在爾公子鱄不得已而與之約甯喜告蘧伯玉伯玉曰瑗不得聞君之出敢聞其入遂行從近關出告右宰穀右宰穀曰不可獲罪於兩君天下誰畜之悼子曰吾受命於先人不可以貳穀曰我請使焉而觀之遂見公於夷儀反曰君淹恤在外十二年

矣而無憂色亦無寬言猶夫人也若不已死無日矣悼
子曰子鮮在右宰穀曰子鮮在何益多而能亡於我何
爲悼子曰雖然弗可以已孫文子在戚孫嘉聘於齊孫
襄居守二月庚寅甯喜右宰穀伐孫氏不克伯國襄孫傷
甯子出舍於郊伯國死孫氏夜哭國人召甯子甯子復
攻孫氏克之辛卯殺子叔及大子角書曰甯喜弑其君
則言罪之在甯氏也

衛孫林父入于戚以叛

孫林父以戚如晉書曰入于戚以叛罪孫氏也臣之祿
君實有之義則進否則奉身而退專祿以周旋戮也

甲午衛侯衎復歸于衛

甲午衛侯入書曰復歸國納之也大夫逆於竟者執其

手而與之言道逆者自車揖之逆於門者領之而已公
至使讓大叔文子曰寡人淹恤在外二三子皆使寡人
朝夕問衛國之言吾子獨不在寡人古人有言曰非所
怨勿怨寡人怨矣對曰臣知罪矣臣不佞不能負羈縻
以從并牧圉臣之罪一也有出者有居者臣不能貳通
外內之言以事君臣之罪二也有二罪敢忘其死乃行
從近關出公使止之禮記曰衛驕公出奔反於衛及
郊將班邑於從者而後入柳莊曰
如皆守社稷則孰執羈勒而從如皆從則孰守
社稷君反其國而有私也毋乃不可乎弗果班
○衛人侵戚東鄙孫氏愬于晉晉成茅氏殖綽伐茅氏殺
晉成三百人孫蒯追之弗敢擊文子曰厲之不如遂從
衛師敗之圍雍鉏獲殖綽復愬于晉○鄭伯賞入陳之
功三月甲寅朔享子展賜之先路三命之服先八邑賜

子產次路再命之服先六邑子產辭邑曰自上以下降殺以兩禮也臣之位在此且子展之功也臣不敢及賞禮請辭邑公固予之乃受三邑公孫揮曰子產其將知政矣讓不失禮

夏晉侯使荀吳來聘

晉人爲孫氏故召諸侯將以討衛也夏中行穆子來聘召公也

○楚子秦人侵吳及雩婁聞吳有備而還遂侵鄭五月至于城麇鄭皇頡戍之出與楚師戰敗穿封戍囚皇頡公子圍與之爭之正於伯州犂伯州犂曰請問於囚乃立囚伯州犂曰所爭君子也其何不知上其手曰夫子爲王子圍寡君之費介弟也下其手曰此子爲穿封戍方

城外之縣尹也誰獲子囚曰頡遇王子弱焉戍怒抽戈逐王子圍弗及楚人以皇頡歸印璽父與皇頡戍城麋楚人囚之以獻於秦鄭人取貨於印氏以請之子大叔爲令正以爲請子產曰不獲受楚之功而取貨於鄭不可謂國秦不其然若曰拜君之勤鄭國微君之惠楚師其猶在敝邑之城下其可弗從遂行秦人不予更幣從子產而後獲之

公會晉人鄭良霄宋人曹人于澶淵

六月公會晉趙武宋向戌鄭良霄曹人于澶淵以討衛疆戚田取衛西鄙懿氏六十以與孫氏趙武不書尊公也向戌不書後也鄭先宋不失所也於是衛侯會之晉人執甯喜北宮遺使女齊以先歸衛侯如晉晉人執而

秋宋公殺其世子痤

穀梁作座

囚之於士弼氏秋七月齊侯鄭伯爲衛侯故如晉晉侯兼享之晉侯賦嘉樂國景子相齊侯賦蓼蕭子展相鄭伯賦緇衣叔向命晉侯拜二君曰寡君敢拜齊君之安我先君之宗祧也敢拜鄭君之不貳也國子使晏平仲私於叔向曰晉君宣其明德於諸侯恤其患而補其闕正其違而治其煩所以爲盟主也今爲臣執君若之何叔向告趙文子文子以告晉侯晉侯言衛侯之罪使叔向告二君國子賦鸞之采矣子展賦將仲子兮晉侯乃歸衛侯叔向曰鄭七穆罕氏其後亡者也子展儉而壹初宋芮司徒生女子赤而毛棄諸堤下其姬之妾取以入名之曰棄長而美平公入夕其姬與之食公見棄也

而視之尤姬納諸御嬖生佐惡而婉太子莖美而很合左師畏而惡之寺人惠牆伊戾爲太子內師而無寵秋楚客聘於晉過宋太子知之請野享之公使往伊戾請從之公曰夫不惡女乎對曰小人之事君子也惡之不敢違好之不敢近敬以待命敢有貳心乎縱有其外莫其其內臣請往也遣之至則飲用牲加書徵之而騁告公曰太子將爲亂旣與楚客盟矣公曰爲我子又何求對曰欲速公使視之則信有焉問諸夫人與左師則皆曰固聞之公囚太子太子曰唯佐也能免我召而使請曰日中不來吾知死矣左師聞之聒而與之語過期乃縊而死佐爲太子公徐聞其無罪也乃亨伊戾左師見夫人之步馬者問之對曰君夫人氏也左師曰誰爲

君夫人余胡弗知國人歸以告夫人夫人使饋之錦與馬先之以玉曰君之妾棄使某獻左師改命曰君夫人而後再拜稽首受之

晉人執衛甯喜

公羊曰此執有罪何以不得爲伯討不以其罪執之也

○鄭伯歸自晉使子西如晉聘辭曰寡君來煩執事懼不免於戾使夏謝不敏君子曰善事大國○初楚伍參與蔡大師子朝友其子伍舉與聲子子朝之子相善也伍舉娶於王子牟王子牟爲申公而亡楚人曰伍舉實送之伍舉奔鄭將遂奔晉聲子將如晉遇之於鄭郊班荆相與食而言復故聲子曰子行也吾必復子及宋向戌將平晉楚聲子通使於晉還如楚令尹子木與之語問晉故焉且曰晉大夫與楚孰賢對曰晉卿不如楚其大夫則

賢皆卿材也如杞梓皮革自楚往也雖楚有材晉實用之子木曰夫獨無族姻乎對曰雖有而用楚材實多歸生聞之善爲國者賞不僭而刑不濫賞僭則懼及淫人刑濫則懼及善人若不幸而過寧僭無濫與其失善寧其利淫無善人則國從之詩云人之云亡邦國殄瘁無善人之謂也故夏書曰與其殺不辜寧失不經懼失善也商頌有之曰不僭不濫不敢怠皇命于下國封建厥福此湯所以獲天福也古之治民者勸賞而畏刑恤民不倦賞以春夏刑以秋冬是以將賞爲之加膳加膳則飫賜此以知其勸賞也將刑爲之不舉不舉則徹樂此以知其畏刑也夙興夜寐朝夕臨政此以知其恤民也三者禮之大節也有禮無敗今楚多淫刑其大夫逃死

於四方而爲之謀主以害楚國不可救療所謂不能也
子儀之亂析公奔晉晉人寘諸戎車之殿以爲謀主繞
角之役晉將遁矣析公曰楚師輕窵易震蕩也若多鼓
鈞聲以夜軍之楚師必遁晉人從之楚師宵潰晉遂侵
蔡襲沈獲其君敗申息之師於桑隧獲申麗而還鄭於
是不敢南面楚失華夏則析公之爲也雍子之父兄譖
雍子君與大夫不善是也雍子奔晉晉人與之鄙以爲
謀主彭城之役晉楚遇於靡角之谷晉將遁矣雍子發
命於軍曰歸老幼反孤疾二人役歸一人簡兵蒐乘秣
馬蓐食師陳焚次明日將戰行歸者而逸楚囚楚師宵
潰晉降彭城而歸諸宋以魚石歸楚失東夷子辛死之
則雍子之爲也子反與子靈爭夏姬而雍害其事子靈

奔晉晉人與之邢以爲謀主扞禦北狄通吳於晉教吳
叛楚教之乘車射御驅侵使其子狐庸爲吳行人焉吳
於是伐巢取駕克棘入州來楚罷於奔命至今爲患則
子靈之爲也若敖之亂伯賁之子賁皇奔晉晉人與之
苗以爲謀主鄢陵之役楚晨壓晉軍而陳晉將遁矣苗
賁皇曰楚師之良在其中軍王族而已若塞井夷竈成
陳以常之變范易行以誘之中行二郤必克二穆吾乃
四萃於其王族必大敗之晉人從之楚師大敗王夷師
燔子反死之鄭叛吳興楚失諸侯則苗賁皇之爲也子
木曰是皆然矣聲子曰今又有甚於此椒舉娶於申公
子牟子牟得戾而亡君大夫謂椒舉女實遣之懼而奔
鄭引領南望曰庶幾赦余亦弗圖也今在晉矣晉人將

與之縣以比叔向彼若謀害楚國豈不爲患子木懼言
諸王益其爵祿而復之聲子使椒鳴逆之

八月壬午許男甯卒于楚

許靈公如楚請伐鄭曰師不興孤不歸矣八月卒于楚
冬楚子蔡侯陳侯伐鄭

楚子曰不伐鄭何以求諸侯冬十月楚子伐鄭鄭人將
禦之子產曰晉楚將平諸侯將和楚王是故昧於一來
不如使遲而歸乃易成也夫小人之性豐於勇嗇於禍
以足其性而求名焉者非國家之利也若何從之子展
說不禦寇十二月乙酉入南里墮其城涉於樂氏門于
師之梁縣門發獲九人焉涉于汜而歸而後葬許靈公

葬許靈公

○衛人歸衛姬于晉乃釋衛侯君子是以知平公之失政也○晉韓宣子聘于周王使請事對曰晉士起將歸時事於宰旅無他事矣王聞之曰韓氏其昌阜於晉乎辭不失舊○齊人城郊之歲其夏齊烏餘以廩丘奔晉襲衛羊角取之遂襲我高魚有大雨自其實入介于其庫以登其城克而取之又取邑于朱於是范宣子卒諸侯弗能治也及趙文子爲政乃卒治之文子言於晉侯曰晉爲盟主諸侯或相侵也則討而使歸其地今烏餘之邑皆討類也而貪之是無以爲盟主也請歸之公曰諾孰可使也對曰胥梁帶能無用師晉侯使往

二十有七年

乙卯○衛獻公衍後元年

○二十七年春胥梁帶使諸喪邑者具車徒以受地必周

使烏餘具車徒以受封烏餘以其衆出使諸侯僞效烏餘之封者而遂執之盡獲之皆取其邑而歸諸侯諸侯是以睦於晉

春齊侯使慶封來聘

齊慶封來聘其車美孟孫謂叔孫曰慶季之車不亦美乎叔孫曰豹聞之服美不稱必以惡終美車何爲叔孫與慶封食不敬爲賦相鼠亦不知也

夏叔孫豹會晉趙武楚屈建蔡公孫歸生衛石惡陳孔奐

公羊作孔瑗

鄭良霄許人曹人于宋

傳有能殺韓宣子之徒出奔晉之後

朱向戌善於趙文子又善於令尹子木欲弭諸侯之兵以爲名如晉告趙孟趙孟謀於諸大夫韓宣子曰兵民之殘也財用之蠹小國之大災也將或弭之雖曰不可

必將許之弗許楚將許之以召諸侯則我失爲盟主矣
晉人許之如楚楚亦許之如齊齊人難之陳文子曰晉
楚許之我焉得已且人曰弭兵而我弗許則固攜吾民
矣將焉用之齊人許之告於秦秦亦許之皆告於小國
爲會於宋五月甲辰晉趙武至於宋丙午鄭良霄至六
月丁未朔宋人享趙文子叔向爲介司馬置折俎禮也
仲尼使舉是禮也以爲多文辭戊申叔孫豹齊慶封陳
須無衛石惡至甲寅晉荀盈從趙武至丙辰邾悼公至
壬戌楚公子黑肱先至成言於晉丁卯宋向戌如陳從
子木成言於楚戊辰滕成公至子木謂向戌請晉楚之
從交相見也庚午向戌復於趙孟趙孟曰晉楚齊秦匹
也晉之不能於齊猶楚之不能於秦也楚君若能使秦

君辱於敝邑寡君敢不固請於齊王申左師復言於子
木子木使駟謁諸王王曰釋齊秦他國請相見也秋七
月戊寅左師至是夜也趙孟及子皙黑盟以齊言庚辰
子木至自陳陳孔奐蔡公孫歸生至曹許之大夫皆至
以藩爲軍晉楚各處其偏伯夙荀謂趙孟曰楚氛甚惡
懼難趙孟曰吾左還入於宋若我何

衛殺其大夫甯喜

穀梁曰稱國以殺罪累上也甯喜弒君而不以試君之罪罪之者惡獻公也

衛甯喜專公患之公孫免餘請殺之公曰微甯子不及
此吾與之言矣事未可知祇成惡名止也對曰臣殺之
君勿與知乃與公孫無地公孫臣謀使攻甯氏弗克皆
死君曰臣也無罪父子死余矣夏免餘復攻甯氏殺甯
喜及右宰穀尸諸朝石惡將會宋之盟受命而出衣其

尸枕之股而哭之欲殮以亡懼不免且曰受命矣乃行

衛侯之弟鱄出奔晉

鱄穀梁作專○傳曰專雖急納其兄與人之臣謀弑其君是亦弑君者也

其曰弟何也專有是信者君賂不入乎喜而殺喜是君不直乎喜也故出奔晉緇約邯鄲終身不言衛專之去

合乎春秋

子鮮曰逐我者出納我者死賞罰無章何以沮勸君失其信而國無刑不亦難乎且鱄實使之遂出奔晉公使止之不可及河又使止之止使者而盟於河託於木門不鄉衛國而坐木門大夫勸之仕不可曰仕而廢其事罪也從之昭吾所以出也將誰愬乎吾不可以立於人之朝矣終身不仕公喪之如稅服終身公與免餘邑六十辭曰唯卿備百邑臣六十矣下有上祿亂也臣弗敢聞且甯子唯多邑故死臣懼死之速及也公固與之受

其半以爲少師公使爲卿辭曰大叔儀不貳能贊大事君其命之乃使文子爲卿

秋七月辛巳豹及諸侯之大夫盟于宋

穀梁曰泲梁之會諸侯在而不日諸

侯之大夫大夫不臣也晉趙武恥之豹云者恭也諸侯不在而日諸侯之大夫大夫臣也其臣恭也晉趙武爲之會也

辛巳將盟於宋西門之外楚人衷甲伯州犁曰合諸侯之師以爲不信無乃不可乎夫諸侯望信於楚是以來服若不信是棄其所以服諸侯也固請釋甲子木曰晉楚無信久矣事利而已苟得志焉焉用有信大宰退告人曰令尹將死矣不及三年求逞志而棄信志將逞乎志以發言言以出信信以立志參以定之信亡何以及三趙孟患楚衷甲以告叔向叔向日何害也匹夫一爲

不信猶不可單斃其死若合諸侯之卿以爲不信必不捷矣食言者不病非子之患也夫以信召人而以餌濟之必莫之與也安能害我且吾因宋以守病則夫能致死與宋致死雖倍楚可也子何懼焉又不及是曰弭兵以召諸侯而稱兵以害我吾庸多矣非所患也季武子使謂叔孫以公命曰視邾滕旣而齊人請邾宋人請滕皆不與盟叔孫曰邾滕人之私也我列國也何故視之宋衛吾匹也乃盟故不書其族言違命也晉楚爭先晉人曰晉固爲諸侯盟主未有先晉者也楚人曰子言晉楚匹也若晉常先是楚弱也且晉楚狎主諸侯之盟也久矣豈專在晉叔向謂趙孟曰諸侯歸晉之德只非歸其尸盟也子務德無爭先且諸侯盟小國固必有尸盟

者楚爲晉細不亦可乎乃先楚人書先晉晉有信也壬午宋公兼享晉楚之大夫趙孟爲客子木與之言弗能對使叔向侍言焉子木亦不能對也乙酉宋公及諸侯之大夫盟于蒙門之外子木問於趙孟曰范武子之德何如對曰夫子之家事治言於晉國無隱情其祝史陳信於鬼神無愧辭子木歸以語王王曰尙矣哉能歆神人宜其光輔五君以爲盟主也子木又語王曰宜晉之伯也有叔向以佐其卿楚無以當之不可與爭晉荀盈遂如楚涖盟鄭伯享趙孟于垂隴子展伯有子西子產子大叔二子石從趙孟曰七子從君以寵武也請皆賦以卒君貺武亦以觀七子之志子展賦草蟲趙孟曰善哉民之主也抑武也不足以當之伯有賦鶉之賁賁趙

孟曰牀第之言不踰闕況在野乎非使人之所得聞也
子西賦黍苗之四章趙孟曰寡君在武何能焉子產賦
隰桑趙孟曰武請受其卒章子大叔賦野有蔓草趙孟
曰吾子之惠也印段賦蟋蟀趙孟曰善哉保家之主也
吾有望矣公孫段賦桑扈趙孟曰匪交匪敖福將焉往
若保是言也欲辭福祿得乎卒享文子告叔向曰伯有
將爲戮矣詩以言志志誣其上而公怨之以爲賓榮其
能久乎幸而後亡叔向曰然已侈所謂不及五稔者夫
子之謂矣文子曰其餘皆數世之主也子展其後亡者
也在上不忘降印氏其次也樂而不荒樂以安民不淫
以使之後亡不亦可乎宋左師請賞曰請免死之邑公
與之邑六十以示子罕子罕曰凡諸侯小國晉楚所以

兵威之畏而後上下慈和慈和而後能安靖其國家以
事大國所以存也無威則驕驕則亂生亂生必滅所以
亡也天生五材民並用之廢一不可誰能去兵兵之設
久矣所以威不軌而昭文德也聖人以興亂人以廢廢
興存亡昏明之術皆兵之由也而子求去之不亦誣乎
以誣道蔽諸侯罪莫大焉縱無大討而又求賞無厭之
甚也削而投之左師辭邑向氏欲攻司城子左師曰我
將亡夫子存我德莫大焉又可攻乎君子曰彼己之子
邦之司直樂喜之謂乎何以恤我我其收之向戌之謂
乎

○齊崔杼生成及彊而寡娶東郭姜生明東郭姜以孤入
曰棠無咎與東郭偃相崔氏崔成有疾而廢之而立明

成請老子崔崔子許之偃與无咎弗予曰崔宗邑也必
在宗主成與偃怒將殺之告慶封曰夫子之身亦子所
知也唯无咎與偃是從父兄莫得進矣大恐害夫子敢
以告慶封曰子姑退吾圖之告盧蒲嬖盧蒲嬖曰彼君
之讎也天或者將棄彼矣彼實家亂子何病焉崔之薄
慶之厚也他日又告慶封曰苟利夫子必去之難吾助
女九月庚辰崔成崔彊殺東郭偃棠无咎於崔氏之朝
崔子怒而出其眾皆逃求人使駕不得使圉人駕寺人
御而出且曰崔氏有福止余猶可遂見慶封慶封曰崔
慶一也是何敢然請爲子討之使盧蒲嬖帥甲以攻崔
氏崔氏堞其宮而守之弗克使國人助之遂滅崔氏殺
成與彊而盡俘其家其妻縊嬖復命於崔子且御而歸

之至則無歸矣乃縊崔明夜辟諸大墓辛巳崔明來奔
慶封當國○楚遠罷子如晉涖盟晉侯享之將出賦既
醉叔向曰遠氏之有後於楚國也宜哉承君命不忘敏
子蕩將知政矣敏以事君必能養民政其焉往○崔氏
之亂申鮮虞來奔僕賃於野以喪莊公冬楚人召之遂
如楚爲右尹

冬十有一月乙亥朔日有食之

十一月乙亥朔日有食之辰在申司歷過也再失閏矣

春秋經傳比事卷十三終